



Assignatzione de un agiudu econòmicu numenadu “Indennizu Regionale Fibromialgia” (IRF) – Annu 2023

15 martu 2023

Sa Responsàbile de su Servìtziu faghet ischire chi cun Determinatzione n.127 de su 15.03.2023 sunt istadas abertas sas iscadèntzias e aprovalu s’Avisu pro sa presentatzione de sas dimandas pro s’assignatzione de un’agiudu econòmicu de 800,00 èuros “una tantum”, numenadu “Indennizu Regionale Fibromialgia” (IRF) – annu 2023”.

TÌTULOS BÀLIDOS PRO ÈSSERE AMMISSOS:

Podent beneficiare de sos agiudos cussos chi ant sos tìtulos chi sghint:

- residèntzia registrada in su Comune de Nughedu;
- certificatzione mèiga, de data no a pustis a su 23 de su mese de Nadale 2022 (data de comintzu de sa L.R. n.22/2022), in ue s’iscumproat sa tzertificatzione de sa Fibromialgia;
- de non beneficiare de àteru agiudu pùblicu cuntzessu solu pro sa tzertificatzione de sa Fibromialgia.

ISCADÈNTZIAS E MANERAS DE PRESENTATZIONE DE SAS DIMANDAS

Sas dimandas divent èssere cumpiladas in su mòdulu fatu a posta chi s’agatat in sos Ufìtzios de sos Servìtzios Sotziales Comunales, dae su Lunis a su Chenàbura dae sa oras 11.00 a sas oras 13.00, in su situ web de su Comune a s’indiritzu: www.comunenughedusn.it e presentadas a s’Ufìtziu Protocolu a comintzare dae sa

prima die de Aprile de su 2023 e no a pustis de sas oras 13.00 de sa die 30 de Aprile 2023. Sa dimanda devet èssere frunida de sa documentatzione chi sighit:

- Còpia de su documentu de identidade de s'interessadu, in cursu de valididade;
- Còpia de s'ISEE SÒTZIU-SANITÀRIU in cursu de valididade (cunsignadu in s'annu 2023);
- Certificatzione mèiga, de data non a pustis a su 23 de su mese de Nadale 2022 (data de comintzu de sa L.R. n. 22/2022 – dadu a bìdere in s'allegadu a sa Deliberatzione n.7/12 de su 28/2/2023), in ue s'iscumproat sa tzertifica de sa Fibromialgia ; (sa tzertificatzione chi amus nadu devet èssere fata dae unu Dutore ispetzialista (Reumatòlogo, Ortopèdicu, Fisiatra) chi at cumpetèntzia in su traballu de su setore e iscritu in s'Albo, siat dipendente pùblicu, siat acordadu, o siat liberu operadore).

Totu sa documentatzione cumpleta est disponìbile, in sa Domo Comunale chi amus nadu prima, e iscarrigàbile in fundu a custa pàgina.

Nughedu 15/03/2023

Sa Responsàbile de su Servìtziu
(Dutora Maria Antonietta Cau)

Tradutzione a cura de s'Isportellu de Limba Sarda de Nughedu
Progetu "Inoghe Puru" Annualidade 2022
Finanziadu dae sa RAS cun sa L482/99 e cun sa L.R.22/2018

